



BIBLIOTHECA
UNIV. JAGELL.
CRACOVENSIS

kat.komp.

53342

I Mag. St. Dr. P

magis sancta: Omnia est de unitate

et aeternitate mundi.

Biblioteka Jagiellońska



stdr0004919

QVÆSTIO DE VNITATE & AETER- NITATE MVNDI.

M. STANISLAO ROZYCKI, Contu-
bernij Hierosolimitani Seniore; publicè ad
disputandum in Alma Academia Crac.
PROPOSITA.

In Lectorio DD. Theologorum,
Anno D. 1629. Die Mensis Mart. Hom

Permissu Magnifici D. RECTORIS



CRACOVIA;
Typis Mattheæ Andreouiensis.

l.l.

IN STEMMA.

Antiquissimę Domus ZEBRZYDOVIORUM.



53342

Hoc signo fuenat vicitus Maxentius astrox,
Hoc signo Patriam vincere crediderim.

Samuel Bukowski, Studiosus
Almæ Acad. Crac.



Illustri & Magnifico Domino,
DOMINO GASPA RI
IN WIECZBORG
ZEBRZYDOWSKI,
Castellano Calisiensi, &c. &c.
Domino & Patrono colendissimo,
M. STANISLAVS ROZYCKI, S. & F.



FFERO tibi *Illusterrime Dñe Quæ-*
stionem, inter antiquos Philosophos celeberrimam: nostris fortè temporibus difficultate
magis quam utilitate commeditam. Nodus
bic erat Gordius, quem collecta ex toto orbe
Philosophia non poterat soluisse; In hoc velut labyrintho
ernauit Pythagorus, implicatus Socrates, nihil se scire dixit:
& qui omnia scire voluit tanquam in Euripo mersus Ari-
stoteles. Fælices nos quibus iste error sepultus: nec maiori-
ris nunc momenti de mundi æternitate quam de fumo di-
sputare: nobilissima verò antiquorum in tanta difficulta-
te argumenta, & summum in Philosophando Aristotelem
audire, haud paruum operæ premium iudicabit quisquis
Philosophiam in amoribus babuerit. Ut enim in pulcherri-
mus Diana, Veneris, & aliarum fabularum imaginibus,
Apellis ingenium laudatur, irridetur superstitio: ita æter-
nitatem mundi inter fabulas aniles & nugas pueriles rej-
cimus: pulcherrima ingenia amamus & subtilissimas ratio-

nes, velut gemmas colligimus. Neq; mibi alia mens fuit:
id unicum in hac quæstione volui: disputantem de æter-
nitate mundi Aristotelem introducere: Et magnum hunc
philosophum minari: tam elegantem formam in luto effin-
gentem. Cui verò hoc, quicquid est laboris mei libentius
offerem? quam Tibi magno Senatori, magno parentiis mei
patrono. Aristarchos omnia perperam interpretantes me-
tuebam: ad Tuum nomine, non alter atq; ad Statuam Prin-
cipis configi: multa Tibi & meo & Parentis mei nomine
debebam: quo alio gnatii animi significationem contestarer,
non inueni. Et tametsi donum hoc exiguum viderem, non
despondebam animum; cogitando Domum Tuam literis
amicissimam semper fuisse. Loquuntur nostr. e Historia
Andream ZEBRZYDOWIVM, Cracoviensem Episcopum,
diuinum in dicendo virum; qui procacissimum os Hære-
ticorum, in Senatu Polono compressit: Et silentibus cæteris,
Sacerdotij maiestatem, aure à oratione defendit. Siluissem
Florianum Generalem Exercitum Regni Ducem: nisi no-
bilis illa ad Neuellum ex Moschis victoria, argumento mi-
hi fuisse: tanti imperatoris prudentiam, aut optimis literis
informatam, aut diuinitu fuisse instructam. Viuit etiam
nunc & æternum viuet in animis hominum vel Nicolaus
Cracoviensis Palatinus, vel Andreas Castellanus Sremen-
sis Pater Tuus: magnum uterq; & ui nostri decus: illa lu-
mina Reipublicæ literarum delitie. Quorum Tu exempla
imitatus amplissime Senator, munus hoc literarium, huma-
nissimo vultu excipies, Et ROLYCIVM tuum amabis.
Dat: è Cont. Hier. Anno D. 1629. Die 24. Martij.

Q V A E S T I O.

V. Mundus, qui pro complexu cælorum elementorum & elementatorū accipitur, sit tantum vñus: & ex sententia Aristotelis æternus: vel per absolutam Dei potentiam, potuerit fieri ab æterno: necne?

C O N C L V S I O . I.

Mundus pro complexu cælorum, clementorum & elementorum acceptus, tantummodo vñus est.

C O R O L L A R I A.

J. Somniauit Democritus, cum plures mundos ex fortuito atomorum concurso statuebat: volebatque dissolutis atomis mundum quoque dissolui: & iterum coeuntibus, componi.

2. Non multum à superiori recessisse videntur, qui relictis atomis futurum dicunt, ut Deus alium mundum, hoc corrupto sit creaturus.

3. Qui mundum intra mundum collocant, & ita plures mundos vount, ut noster hic mundus ab altero, velut vinum, à dolio contineatur, non sunt ab errore alieni.

4. Nec audiendus Xenophones, magis fabuloso, quam Philosophico cōmento, aliam terram, aliud mare, & alium velut mundū in luna statuens.

5. Illi quoq; in via Peripatetica non tollerant: qui concludunt duos mundos, veluti duos globos distinctos, unum ad meridiem, alterum ad septemtrionem, &c.

6. Non propter defectum Materiæ, sed ob alias grauiores & veriores causas, unum tantum mundum esse, nec plures aari posse tenendum est.

Conclusio II.

Ex sententia Aristotelis mundus est æternus.

COROLLARIA.

1. Corpora cœlestia & principes mundi partes auctore Aristotele sunt ab æterno.

2. Etiam motus ex mente eiusdem Philosophi
æternus est : imò quicunq; statuit æternitatem,
motus, eadem opera statuit æternitatem mundi:
Et è contra.

3. Tempus cum sit mensura motus, æternum
quoq; est, ex sententia Aristotelis.

4 Generatio & corruptio rerū in Lyceo Ari-
stotelis æterna est, & velut circulus, principio
& fine carens.

5. Tametsi sciuisset Aristoteles (quod proba-
bile videtur,) Deum esse causam efficientem
mundi, conclusisset nihilominus mundū æternum.

6. Non impedit æternitatem mundi infini-
tas animarum: imò recte hæc apud Aristotelem
posse conciliari tenemus: ut stet mundi æternitas,
stet quoque animæ humanæ immortalitas.

Conclusio III.

Per absolutam Dei potētiam, mundus po-
terat ab æterno fieri.

COROLLARIA.

1. Non tantum substantiæ incorruptibiles
ut

ut Angeli & cœli, sed etiam substantiæ corruptibiles, ut hæc inferiora poterant fieri ab æterno.

2. Nec motus nec temporis infinitas, impedit possibilem fuisse æternitatem mundi.

3. An motu recto poterat aliquid ab æterno moueri problema sit.

4. Substantiam corruptibilem in particulari ab æterno fieri potuisse, non implicat.

5. Quemadmodum alia animantia, ita & homines poterant ab æterno generari.

6. Si mundus ex hypotesi conclusionis fuissest ab æterno non necessum esset monstruosam generationem constituere: quam nonnulli confingunt: videlicet, duos leones, vel equos &c. procreari, suppeditariq; eis alimentū, ut infinites generaret.

Sub fælicibus auspicijs Admod. Rñdi & Magnifici
Dñi D. DANIELIS SIGONII S. T. D. & Professoris,
Canonici Cracouieñ. Academiz nostræ
RECTORIS vigilantissimi.



BB. 1.7

u-
10.
dit
20
ri
v
et
e:
i
u

10.

